



UNIVERSITÄTS-
BIBLIOTHEK
PADERBORN

Universitätsbibliothek Paderborn

Liber dissencionum archiepiscopi Coloniensis et Capituli Paderbornensis

Dietrich <von Engelsheim>

Münster, [1893-1897]

90. Epistola missa per episcopum Moguntinum capitulo Paderbornensi pro
reisa contra Bohemos facienda.

[urn:nbn:de:hbz:466:1-54427](https://nbn-resolving.org/urn:nbn:de:hbz:466:1-54427)

scagh an sinte Remigius dage, dat was secunda dies Octobris, anno Domini MCCCCXV in presencia multorum, darto vor notarien eischet worden her Hinrich Sculdern unde her Hermann Nasen.

Reverendo et venerabilibus domino administratori, decano et capitulo ecclesie Paderbornensis, amico et in Christo nobis dilectis!

Unsen gruss zuvorn, erwirdiger unde ersamen liben **90.**
 bysunern frunde! Et sint byein gesamet gewest unse **1421**
 heren de korvorsten am Ryne unde wir mit en, geystlich **5. März.**
 unde wertlich unde haben myt eyn geredet, bysunner
 under andern sachen ouch beslossen, nemlich in solcher
 irrunge unde ungeloben, der sich swerlichen erhoben hat
 unde irstanden ys in dem konincriche zu Bemen, also
 iuwer libe lichte wol vornomen magh haben. Also unse
 her vader der pabst Martinus ind unsse genediger her,
 her Sygemunt, Romischer konink, uns darzu ermant unde
 treflichen geschreven hat, daz wir alle darzu mit heres-
 maght thuen ind ouch dru¹⁾ wochen nach ousteren nest
 komen zu ussem genedigen heren, den Romischen koninge
 zu Nurenberg syn ind myt siner gnaden zu rate waden²⁾
 wollen, wy men zu den zachen thun unde dy vortilgen
 moge; darzu zollen wir dri ertzebiscope ind korvorsten
 zu Mentze, zu Colne ind zu Tryre eyn itlichen unser
 provincien steten bystimmunge bestellen, daz, zolange
 dusser herzog³⁾ waret, daz dem almechtigen Gote alle
 wochlich, myt namen uff den fridagh in allen kirchen,
 stifften unde parkirchen eyn lobelich misse van dem
 hilgen unssem Heren, eder van dem hiligen Geyste, eder
 van unser vrowen zu troste unde genaden dem hilgen
 cristengeloben unde allen den, de widder soliche unge-

¹⁾ drei. ²⁾ waten, schreiten, kommen. ³⁾ Heereszug.

loibigen zien werden, nach der formen ind masse, alss wir uch abescriff hır mitsenden, gesungen unde begangen werden. Bitten wir uch fruntlichen, daz ir daz in iuvern stift auch in solcher mass lassent bestellen unde verkundigen, uffdaz solches gemeyne goet van Gotz anrofene gemeinlichen desdo bass gesche in der masse, alz daz ouch ein gemeyne nuts und notrufft ist. Wass ir ouch mit dem wertlichen swerte nach uvern vormoge thuen mogen, tztwivelen wir nicht, daran ju sollet des tegen Gode grossen love ind tegen der werlde vil eren erwerben. Unde begern des iuwer entword. Datum Eltvil feria quarta proxima post dominicam, qua cantatur in ecclesia Dei Letare, anno Domini ect. CCCCXXI.

Conradus, archiepiscopus Moguntinus.

Nach dussen vorgescrevenen breven worden de misse unde grot godesdenst gedan, unde de togh in Bemen wort verkundiget, unde de pawes gaf dar afflat to unde sande einen Cardinal myt dem crutze unde sinem banner, unde de Romische konik kam mit sinen banner. Den volgeden personlik de ertzbiscop van Colne, de hertoge van Beigern, de hertoge van Sassen, de markgreve van Brandenburg, alle korforsten. Vort volgeden vel forsten, hertogen, greven, ritter, knechte, stede unde gebur ute allen Dudeschen landen, sodat se hadden eyne her to perde, wegenen¹⁾ unde vote by hundertdusent menschen. Darmede se wenich stickeden²⁾, dan de Bemen bleven, so se weren.

91. Dit nabescreven sind sculde unde ansprake, de domprovest unde capitel hebben to unsen genedigen

¹⁾ Wagen. ²⁾ bestimmen, hırr wohl „erreichen“.